

ত্রিপুরা সরকার  
তথ্য ও সংস্কৃতি অধিকার

\*\*\*\*\*

স-৫০৯৪

মোহনপুর, ৬ মার্চ, ২০২৪

**সুরেন্দ্রনগর ইংলিশ মিডিয়াম দ্বাদশ শ্রেণী বিদ্যালয়ের নতুন ভবনের উদ্বোধন  
গুণগত শিক্ষার প্রসারে কেন্দ্র ও রাজ্য সরকার অগ্রাধিকার দিয়েছে : বিদ্যুৎমন্ত্রী**

গুণগত শিক্ষার প্রসারে কেন্দ্র ও রাজ্য সরকার অগ্রাধিকার দিয়েছে। এক ভারত শ্রেষ্ঠ ভারত, এক ত্রিপুরা শ্রেষ্ঠ ত্রিপুরা গড়তে গেলে গুণগত শিক্ষার গুরুত্ব অপরিসীম। আজ সুরেন্দ্রনগর ইংলিশ মিডিয়াম দ্বাদশ শ্রেণী বিদ্যালয়ের নতুন ভবনের উদ্বোধন করে বিদ্যুৎমন্ত্রী রতনলাল নাথ একথা বলেন। অনুষ্ঠানে বিদ্যুৎমন্ত্রী বলেন, নতুন জাতীয় শিক্ষানীতি ছাত্রছাত্রীদের বিশ্বমানের উপযোগী করে তুলবে। ছাত্রছাত্রীদের আগামীদিনের সুনামের হিসেবে গড়ে তুলতে সরকার বিভিন্ন পরিকল্পনা নিয়েছে। অনুষ্ঠানে বিদ্যুৎমন্ত্রী ছাত্রছাত্রীদের সংবেদনশীল, সামাজিক দায়বদ্ধ ও দেশপ্রেমিক নাগরিক হিসেবে গড়ে উঠার আহ্বান জানান। অনুষ্ঠানে অন্যান্যদের মধ্যে উপস্থিত ছিলেন বিধায়ক বৃষকেতু দেববর্মা, ত্রিপুরা উপজাতি এলাকা স্বশাসিত জেলা পরিষদের কার্যনির্বাহী সদস্য রবীন্দ্র দেববর্মা, বিদ্যালয় শিক্ষা দপ্তরের অধিকর্তা এন সি শর্মা, গ্রামোন্নয়ন দপ্তরের তত্ত্বাবধায়ক বাস্তুকার ক্ষুদিরাম ত্রিপুরা, মোহনপুর মহকুমার মহকুমা শাসক সুভাষ দত্ত, হেজামারা ব্লকের বিডিও ওবেদ দার্লৎ প্রমুখ। অনুষ্ঠানে স্বাগত বক্তব্য রাখেন বিদ্যালয়ের অধ্যক্ষ সর্বাণী দেববর্মা। সভাপতিত্ব করেন হেজামারা বিএসির চেয়ারম্যান সুনীল দেববর্মা। উল্লেখ্য, বিদ্যালয়ের নতুন ভবন নির্মাণে ব্যয় হয়েছে ৩ কোটি ৫২ লক্ষ টাকা। বিদ্যুৎমন্ত্রী রতনলাল নাথ এদিন হেজামারা আরডি স্টোর গোড়াউনের নতুন ভবনের উদ্বোধন করেন।

\*\*\*\*\*